



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU TVOJE I MOJE STRANKE U BOSNI I HERCEGOVINI

Broj: 03-07-6-774/17
Sarajevo, 07.05. 2018. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Tvoje i moje stranke u Bosni i Hercegovini za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Tvoja i moja stranka u Bosni i Hercegovini prekršila odredbe člana 11. stav (1) i člana 12. stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Tvoje i moje stranke u Bosni i Hercegovini za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Tvoja i moja stranke u Bosni i Hercegovini nije ostvarila prihode, što je iskazano u sljedećoj tabeli:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke: Tvoja i moja stranka u Bosni i Hercegovini. Skraćeni naziv: TIM stranka u BiH.

Tvoja i moja stranka u Bosni i Hercegovini upisana je u registar kod Općinskog suda u Sarajevu, rješenjem broj: 065-0-F1-10-000006 od dana 12.05.2010. godine.

Sjedište političke stranke je u Sarajevu, D. Numića 1d.

Lice ovlašteno za zastupanje stranke je Ekrem Hadrović, predsjednik.

Lice ovlašteno za podnošenje finansijskih izvještaja za 2016. godinu je Ekrem Hadrović.

Prema podacima iz godišnjeg finansijskog izvještaja za 2016. godinu, Tvoja i moja stranka u Bosni i Hercegovini nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Tvoje i moje stranke u Bosni i Hercegovini za 2016. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Tvoje i moje stranke u Bosni i Hercegovini obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Izvršen je pregled godišnjih finansijskih izvještaja Tvoje i moje stranke u Bosni i Hercegovini za 2011., 2012. i 2014. godinu nakon kojih su izdati izvještaji o pregledu.

Tvoja i moja stranka u Bosni i Hercegovini nije Centralnoj izbornoj komisiji Bosne i Hercegovine dostavila godišnji finansijski izvještaj za 2013. godinu, niti je omogućila pristup svojim prostorijama kako bi se izvršila revizija navedenog finansijskog izvještaja, zbog čega je Centralna izborna komisija Bosne i Hercegovine u skladu sa odredbama člana 14. stav (2) Zakona o finansiranju političkih stranaka, Odlukom broj: 03-07-6-1101/15 od 09.12.2015. godine izrekla administrativnu mjeru kojom je ovoj političkoj stranci uskraćeno pravo da se kandiduje na Lokalnim izborima za 2016. godinu.

Nakon izvršenog pregleda godišnjeg finansijskog izvještaja za 2015. godinu, izdat je izvještaj o pregledu sa mišljenjem revizora i preporukama stranci da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanim rokovima.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Tvoja i moja stranka u Bosni i Hercegovini nije ispoštovala date preporuke.

5. NALAZI I PREPORUKE

5.1. NALAZI

Tvoja i moja stranka u Bosni i Hercegovini prekršila je odredbe člana 11. stav (1) i člana 12. stav (4) Zakona o finansiranju političkih stranaka.

- (1) Pregledom godišnjeg finansijskog izvještaja, utvrđeno je da stranka nije podnijela godišnji obračun (završni račun) za 2016. godinu nadležnoj instituciji, Finansijsko-informatičkoj agenciji¹, čime je prekršila odredbe člana 11. stav (1) Zakona o finansiranju političkih stranaka².
- (2) Uvidom u službene evidencije, utvrđeno je da je stranka godišnji finansijski izvještaj za 2016. godinu dostavila dana 29.05.2017. godine, tj. nakon zakonom propisanog roka, čime su prekršene odredbe člana 12. stav (4) Zakona o finansiranju političkih stranaka³.

Takođe je utvrđeno da Tvoja i moja stranka u Bosni i Hercegovini nije u obrascu 5 (obaveze političke stranke) iskazala obaveze na dan 31.12.2016. godine, čime je prekršila odredbe člana 24. Pravilnika o godišnjim finansijskim izvještajima političkih stranaka.

¹ Stranka je dana 11.10.2017. godine obavijestila Centralnu izbornu komisiju BiH da nije podnijela godišnji obračun za 2016. godinu.

² Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

³ Do 31.3. naredne godine politička stranka podnosi finansijski izvještaj u formi koju odobri Centralna izborna komisija Bosne i Hercegovine. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

Naime, stranka je u godišnjem finansijskom izvještaju za 2015. godinu koji je dostavila Centralnoj izbornoj komisiji Bosne i Hercegovine iskazala obaveze po osnovu pozajmica koje je primila od fizičkih lica u ukupnom iznosu od 5.005,00 KM.

Imajući u vidu da je transakcijski račun stranke ugašen 2013. godine, te da stranka nije u godišnjem finansijskom izvještaju iskazala promet ostvaren putem blagajne, smatramo da obaveze stranke po početnom stanju na dan 01.01.2016. godine u iznosu od 5.005,00 KM nisu izmirene u toku 2016. godine, odnosno da stranka na dan 31.12.2016. godine ima obaveze po osnovu pozajmica u ukupnom iznosu od 5.005,00 KM.

5.2. PREPORUKE

Preporučuje se Tvojim i mojoj stranci u Bosni i Hercegovini da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da podnosi finansijske izvještaje na način koji je utvrđen Zakonom o računovodstvu i reviziji u Federaciji Bosne i Hercegovine i*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom predviđenom roku i popunjava u skladu sa odredbama Pravilnika o godišnjim finansijskim izvještajima političkih stranaka.*

KOMENTAR:

U ostavljenom roku Tvoja i moja stranka u Bosni i Hercegovini nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Pomoćnik revizora

Anela Burdžović-Kapić

Šef Službe za reviziju

Mr.sc Hasida Gušić